

# ԽՄԲԱՅԻՆ ՀԵՏԱԶՈՏԱԿԱՆ ԱՇԽԱՏԱՆՔՆԵՐ՝ «ՄԻԿՐՈՏՆՏԵՍԱԳԻՏՈՒԹՅՈՒՆ» ԴԱՍԸՆԹԱՑԻ ՇՐՋԱՆԱԿՆԵՐՈՒՄ

Դեկտեմբերի 15-ին տնտեսագիտության ֆակուլտետի դեկան Ռ. Մանգասարյանի նախաձեռնությամբ ֆինանսներ 3-րդ կուրսի ուսանողները «Միկրոտնտեսագիտություն» դասընթացի շրջանակներում խմբային հետազոտական աշխատանքներ են ներկայացրել կազմակերպությունների ֆինանսական տվյալների վերաբերյալ:



Հանդիպմանը ներկա էին ֆակուլտետի պրոֆեսորադասախոսական կազմի ներկայացուցիչներ: Ներկայացվել են ընտրված կազմակերպությունների («Ֆիդես» հիպոթեքային ընկերություն, «Արցախի ներդրումային հիմնադրամ», «Արցախբանկ» ՓԲԸ) ֆինանսական տվյալները:

ռուսներ պարբերաբար կկազմակերպվեն, քանի որ դրանք մի կողմից տեղեկության ստացման աղբյուր են, մյուս կողմից նպաստում են թիմում՝ որպես ամբողջության մաս գործելու ունակությունների զարգացմանը»,- նշել է Քրիստինե Կարապետյանը, ով հանդես էր եկել «Ֆիդես» հիպոթեքային ընկերության մասին ելույթով:

«Հուսով ենք՝ այսպիսի ճանաչողական միջոցա-

## ԱՐՊՀ ՆԵՐԿԱՅԱՑՈՒՑԻՉՆԵՐԸ ՊԱՐԳԵՎԱՏՐՎԵԼ ԵՆ



Հայ-Ռուսական համալսարանում ՌԴ Լուսավորության նախարարության աջակցությամբ կայացել է «Քառի արվեստը: Ռուսական մշակույթի կարևոր ասպեկտները» թեմայով համաժողովը և «Լեզու և ժամանակ: Մասնագիտական զարգացման ուղիներ» խորագրով վերապատրաստման դասընթացը, որին մասնակցություն են ունեցել ներկայացուցիչներ 23 երկրներից: Հայաստանից, Ռուսաստանից, Բելառուսից, Բուլղարիայից, Մեծ Բրիտանիայից, Հունաստանից, Վրաստանից, Իսրայելից, Հնդկաստանից, Իտալիայից, Ղազախստանից, Ղրղզստանից, Չինաստանից, Մոնղոլիայից, Մոլդովայից, Լեհաստանից, Սերբիայից, Տաջիկստանից, Ուզբեկստանից, Հարավային Օսեթիայից, Ուկրաինայից, Չեխիայից, Էստոնիայից: Միջոցառումներին մասնակցություն են ունեցել նաև ԱրՊՀ բանասիրական ֆակուլտետի

ռուսաց լեզվի և գրականության ամբիոնի դասախոսներ և ֆակուլտետի ուսանողներ: Առկա և հեռավար եղանակով կայացած միջոցառումների ծրագրում ընդգրկված են եղել կլոր սեղան-քննարկումներ, դասախոսություններ, վարպետաց դասեր:

Բոլոր մասնակիցները մասնակցության համար ստացել են հավաստագրեր: Ռուսաց լեզվի և գրականության ամբիոնի վարիչ, մ.գ.թ., դոցենտ Ինգա Հակոբյանը մասնագիտական բարձր վարպետության և ինովացիոն տեխնոլոգիաների զարգացման գործում ունեցած ավանդի համար, իսկ «Անգլերեն լեզու և գրականություն» կրթական ծրագրի 3-րդ կուրսի ուսանողուհի Մարիաննա Աղաբեկյանը՝ մասնագիտական հմտության համար ՌԴ Լուսավորության նախարարության կողմից պարգևատրվել են պատվոգրերով:

«Շնորհակալություն են հայտնում միջոցառման նախաձեռնողներին, ՌԴ Լուսավորության նախարարությանը՝ միջոցառմանը մասնակցություն ընձեռելու համար: Հպարտություն է, որ այդպիսի մեծ ընդգրկում ունեցող միջոցառմանը հնչում է Արցախի պետական համալսարանի և ԱրՊՀ ուսանողի անունը», - նշել է Ինգա Հակոբյանը՝ բարձր գնահատելով միջոցառման կարևորությունն ու արդյունավետությունը ԱրՊՀ համար:

# ԱՐՑԱՆԻ ՀԱՄԱԼՍԱՐԱՆ



ԱՐՑԱՆԻ ՊԵՏԱԿԱՆ ՀԱՄԱԼՍԱՐԱՆԻ ԱՄՍԱԹԵՐԹ - ЕЖЕМЕСЯЧНАЯ ГАЗЕТА «АРЦАХИ АМАЛСАРАН» № 09(237) դեկտեմբեր - 2021

## ԱՐՊՀ ՌԵԿՏՈՐԻ ՇՆՈՐՀԱՎՈՐԱՆՔԸ ՌՈՒԲԵՆ ԹՈՓՉՅԱՆԻՆ՝ ՀՀ ՈԱԱԿ ՏՆՕՐԵՆ ՎԵՐԸՆՏՐՎԵԼՈՒ ԱՌԹԻՎ

Հարգաբաժան պարոն Թոֆչյան Ջերմորեն շնորհավորում են Ձեզ՝ ՀՀ ՈԱԱԿ տնօրենի պաշտոնում վերընտրվելու կապակցությամբ:



Ձեր մասնագիտական կարողությունների և մարդկային որակների շնորհիվ Դուք կարողանում եք պատվով իրականացնել Ձեր առաքելությունը բարդ ու պատասխանատու բնագավառում:

Մեծ է Ձեր ավանդը Հայաստանի Հանրապետության և Արցախի Հանրապետության մասնագիտական ուսումնական հաստատություններում օրենսդրությանը համապատասխան կրթության որակի ապահովման մշակույթ ստեղծելու, մասնագիտական կրթական համակարգում որակի շարունակական բարելավում ապահովելու գործում:

որդեզրած արժեքներին հավատարիմ գործելու համար:

Արցախի պետական համալսարանը, ինստիտուցիոնալ հավատարմագրման ողջ ընթացքում՝ ինքնավերլուծություն, փորձագիտական քննություն և որոշման կայացում, մշտապես գտնվելով ՈԱԱԿ հետ փոխգործակցային դաշտում, նկատելի առաջընթաց է գրանցել կրթության և ինստիտուցիոնալ կարողությունների որակի բարելավման և զարգացման ուղղությամբ այս տարիների ընթացքում՝ շնորհիվ ՈԱԱԿ ցուցաբերած արդյունավետ ու մասնագիտական բարձր աշխատանքի: Օգտվելով պատեհ առիթից՝ շնորհակալություն են հայտնում ՀՀ ՈԱԱԿ ողջ կազմին՝ Ձեր գլխավորությամբ՝

Հանրության վստահությունը, նորարարության խթանումը, հավասար հնարավորությունների ու հաշվետվողականության ապահովումը և փոխգործակցությունը Ձեր որդեգրած այն գերակա արժեքներն են, որոնց շնորհիվ ՈԱԱԿ-ն կարողանում է արդյունավետություն ապահովել բարձրագույն և միջին մասնագիտական ուսումնական հաստատություններում որակի ապահովման և շարունակական բարելավման գործում:

Արցախի պետական համալսարանի պրոֆեսորադասախոսական կազմի, աշխատակիցների, ուսանողության և անձամբ իմ անունից շնորհավորում են Ձեզ, մաղթում անսպառ եռանդ, առողջություն և բեղուն գործունեություն՝ ի նպաստ ՀՀ և ԱՀ կրթական համակարգի զարգացման:

# ՍԱՀՄԱՆԱԴՐՈՒԹՅԱՆ ՕՐԸ՝ ԴՊՐՈՑՈՒՄ

Այժմ Սահմանադրության օրվա նախօրեին ԱրՊՀ պատմության և իրավագիտության ֆակուլտետի իրավունքի ամբիոնը, ամբիոնի դասախոս, ի.գ.թ., դոցենտ Ռիտա Առուստամյանի նախաձեռնությամբ, Ստեփանակերտի հ. 3 հիմնական դպրոցում կազմակերպել է միջոցառում՝ նվիրված Սահմանադրության օրվան: Միջոցառումը, որն արդեն ավանդույթ է դարձել իրավունքի ամբիոնի համար, այս անգամ անց է կացվել «Իրավագիտություն» մասնագիտության 2-րդ կուրսի ուսանողների մասնակցությամբ:



Վարիչ, ի.գ.թ. Տաթևիկ Գևորգյանը:

«Միջոցառման նպատակն էր արժևորել Սահմանադրությունը, ցույց տալ աշակերտներին դրա կարևորությունը, մեկնաբանել հիմնական դրույթները և խթանել դպրոցականների իրավագիտակցության բարձրացումը», - ասել է իրավունքի ամբիոնի

վարիչ, ի.գ.թ. Տաթևիկ Գևորգյանը: Հանդիպման ընթացքում ուսանողները ներկայացրել են օրենքի անհրաժեշտությունն ու կարևորությունը, մարդու հիմնարար իրավունքներն ու ազատությունները, պետական իշխանության երեք թևերը և դրան առնչվող այլ հարցեր:

## ԿԼՈՐ ՍԵՂԱՆ-ՔՆՆԱՐԿՈՒՄՆ ԵՎ ԱՐՊՀ ԱՆԿԱԽՈՒԹՅԱՆ ՀԱՆՐԱՔՎԵԻՆ ԵՎ ՍԱՀՄԱՆԱԴՐՈՒԹՅԱՆ ԸՆԴՈՒՆՄԱՆԸ



Արարատ Դանիելյանը, ֆակուլտետի դասախոսներ, ուսանողներ:

Ողջունելով ներկաներին՝ պատմության և քաղաքագիտության ամբիոնի վարիչ Նունե Սարումյանը շնորհավորել է ներկաներին օրվա առթիվ՝ խոսելով օրվա խորհրդի, հանրաքվեի անցկացման պատմաքաղաքական նախադրյալների, անհրաժեշտության և Սահմանադրության մասին:

«30 տարի առաջ այս օրը Ստեփանակերտում հրետակոծությունների տակ ու ծանր պայմաններում մեր ժողովուրդը «Այո» ասաց անկախությանը և ապա օրինական ճանապարհով վերահաստատեց ազատ, անկախ ու ինքնիշխան պետություն ունենալու մեր անբեկանելի երթը: Այսօր ստեղծված քաղաքական իրավիճակում կարևոր ու արդիական է խոսել, վերարժևորել մեր պատմական կարևորագույն իրադարձությունները, որը երիտասարդ սերնդի, մասնավորապես ուսանողության համար դասի նշանակություն ունի», - ասել է նա՝ հավելելով, որ երիտասարդ սերունդը պետք է իմանա մեր անցած պատմական ուղին, դասեր քաղի պատմությունից, առաջնորդվելով այդ դասերով՝ պահպանի այն արժեքները, որոնք ժառանգել է ավագ սերնդից:

Դեկտեմբերի 10-ին ԱրՊՀ պատմության և իրավագիտության ֆակուլտետի պատմության և քաղաքագիտության ամբիոնի վարիչ, պ.գ.թ., դոցենտ Նունե Սարումյանի նախաձեռնությամբ ԱրՊՀ-ում կազմակերպվել է կլոր սեղան-քննարկում՝ նվիրված 1991 թ. դեկտեմբերի 10-ի Արցախի Հանրապետության անկախության հանրաքվեին և 2006 թ. դեկտեմբերի 10-ին ԱՀ Սահմանադրության ընդունմանը: Կլոր սեղան-քննարկմանը հրավիրված էին պատմական այդ կարևորագույն իրադարձությունների ակնա-տես-մասնակիցներ պ.գ.դ, պրոֆեսոր Ստեփան Դադայանը, իրավագետ, պետական գործիչ

# ԿԱԶՄԱԿԵՐՊՎԵԼ ԵՆ 2-ՐԴ ԸՆԹԱՑԻԿ ՍՏՈՒԳՈՒՄՆԵՐԸ

Արցախի պետական համալսարանում դեկտեմբերի 13-ից 24-ը կազմակերպվել են քննաշրջանի 2-րդ փուլի ընթացիկ ստուգումները: Համավարակային իրավիճակով պայմանավորված՝ քննասենյակ մտնող մեծ խմբերը կիսվել են, որպեսզի պահպանվեն հակահամաճարակային կանոնները:



Կական բնույթի են եղել, որոնք տեղում լուծվել են համակարգչային սպասարկման բաժնի աշխատակիցների կողմից:

«Աշխատանքները կազմակերպել ենք այնպես, որպեսզի քննական դահլիճում պահպանվեն համավարակի տարածումը կանխարգելող սահմանված բոլոր կանոնները, այդ թվում ուշադրություն ենք դարձրել հատկապես այն փաստին, որ 40-ից ավելի ուսանող չլինի դահլիճում, որպեսզի հնարավոր լինի պահպանել սոցիալական հեռավորությունը», - ասել է ուսումնական գործընթացի վերահսկման բաժնի պետ Գոհար Գասպարյանը՝ հավելելով, որ պարբերաբար, ըստ սահմանված կանոնների, ախտահանվել են դահլիճը և առկա իրերը:

Ընթացիկ փուլի ստուգումները կազմակերպվում են համակարգչային եղանակով՝ թեստային մեթոդով: Յուրաքանչյուր տարի ուսումնական աշխատանքների գծով պրոռեկտորի և համապատասխան ստորաբաժանումների ղեկավարների ուղղորդմամբ ու վերահսկմամբ վերանայվում են թեստերը, թարմացվում, նախորդ տարիներին նկատված թերացումները շտկվում ու կատարելագործում:

ՈւԳՎ պատասխանատուի խոսքով՝ քննաշրջանն անցել է բնականոն հունով, որևէ էական խնդիր չի արձանագրվել, արձանագրված խնդիրները տեխնի-

## ԱՐՊՀ-Ն ՄԱՍՆԱԿՑԵԼ Է «ԱՆԿԱԽՈՒԹՅԱՆ ԳԱՎԱԾ 2021» ԾՐԱԳՐԱՎՈՐՄԱՆ ԹԻՄԱՅԻՆ ՕԼԻՄՊԻԱԴԱՅԻՆ

Հայ-ռուսական համալսարանի նախաձեռնությամբ կայացավ «Անկախության գավաթ 2021» ծրագրավորման թիմային օլիմպիադան, որին մասնակցել է նաև Արցախի պետական համալսարանը:



Օլիմպիադայի մասնակցության ցուցանիշը այս տարի ամենաբարձրն է գրանցվել՝ նախորդ բոլոր տարիների համեմատ, գրանցվել է 44 թիմ՝ ավելի քան 130 մասնակից, ծրագրավորման ուղղությամբ մասնագիտություն ունեցող ԱՀ և ՀՀ բուհերից:

Նր: Վ. Առստամյանի խոսքով՝ ԱրՊՀ ուսանողները ցուցաբերել են ակտիվ մասնակցություն և բարձր ցուցանիշներ՝ նախորդ տարվա համեմատ:

ԱրՊՀ բնագիտական ֆակուլտետի կիրառական մաթեմատիկայի և ինֆորմատիկայի ամբիոնի վարիչ Վազգեն Առստամյանի խոսքով՝ օլիմպիադային ԱրՊՀ-ից մասնակցել է երեք թիմ, յուրաքանչյուր թիմում երեք ուսանող՝ «Տեղեկատվական տեխնոլոգիաներ» և «Ինֆորմատիկա և կիրառական մաթեմատիկա» մասնագիտությամբ սովորող: Թիմի մարզիչն էր կիրառական մաթեմատիկայի և ինֆորմատիկայի ամբիոնի դասախոս Արթուր Մնացականյա-

մոտ զարգացնել ծրագրավորման հմտությունները, ներգրավել նրանց ծրագրավորման ոլորտում:

Ինչպես վերջին տարիներին, այս տարի նույնպես խնդիրների փաթեթը պարունակում էր ալգորիթմական և տեխնիկական խնդիրներ, որոնց լուծման համար անհրաժեշտ էին պատկերների ճանաչման, HTTP protocol-ի և RegEx-ի գիտելիքներ:

# ԱՌՑԱՆՑ ՀԱՆԴԻՊՈՒՄ ՍՈՐԲՈՆԻ ՀԱՄԱԼՍԱՐԱՆԻ ՊՐՈՖԵՍՈՐ ԱՐԱՄ ՄԱՐՏԻՐՈՍԵԱՆԻ ՀԵՏ



Արցախի պետական համալսարանի ուսանողական խորհրդի և իրավունքի ամբիոնի համատեղ նախաձեռնությամբ ԱրՊՀ ուսանողների հետ ղեկտեմբերի 15-ին առցանց հանդիպում է ունեցել Սորբոնի համալսարանի պրոֆեսոր Արամ Մարտիրոսեանը:

Սորբոնի համալսարանի Արևելյան քրիստոնեության իրավունքների և հաստատությունների ամբիոնի իրավունքի պատմության պրոֆեսոր, EPHE-ի կրոնական գիտությունների բաժնի ուսումնական տնօրեն Արամ Մարտիրոսեանը առցանց հանդիպման ընթացքում հանդես է եկել դասախոսությամբ՝ «Հայ կանոնական իրավունքի քաղաքական-կրոնական հիմնախնդիրները. պատմությունից մինչև մեր օրերը» թեմայով: Դասախոսությանը մասնակցել են ինչպես ԱրՊՀ ուսանողներ ու դասախոսներ, այնպես էլ հետաքրքրված մասնագետներ Սփյուռքից և ՀՀ-ից:

Պրոֆեսոր Արամ Մարտիրոսեանի հետ պայմանավորվածություն է ձեռք բերվել համագործակցությունը դարձնելու շարունակական:

# ԻՆՔՆՈՒՐՈՒՅՆ ԱՇԽԱՏԱՆՔՆԵՐԻ ՆԵՐԿԱՅԱՑՈՒՄ «ԱՆՁՆԱԿԱԶՄԻ ԿԱՌԱՎԱՐՈՒՄ» ԴԱՍԸՆԹԱՅԻ ՇՐՋԱՆԱԿՈՒՄ

Դեկտեմբերի 21-ին ԱրՊՀ ֆինանսահաշվային ամբիոնի վարիչ, տ.գ.թ., դոցենտ Նարինե Ավանեսյանի նախաձեռնությամբ «Անձնակազմի կառավարում» դասընթացի շրջանակում «Կառավարում» 3-րդ կուրսի ուսանողների մասնակցությամբ անց է կացվել պայմանական կազմակերպությունների անձնակազմի կառավարման մոտեցումների



ներկայացում: Ուսանողները ներկայացրել են կազմակերպությունների անձնակազմի կառուցվածքը, կադրային քաղաքականությունը, մոտիվացիան, պայմանական կոնֆլիկտի առաջացման պատճառները, լուծման ուղիները, ղեկավարի անձնական հատկանիշները, ղեկավարման ոճը:

Ֆակուլտետի ղեկան, տ.գ.թ., դոցենտ Ռուզաննա Մանգասարյանի խոսքով՝ նման միջոցառումները հնարավորություն են տալիս ուսանողներին մոտ զարգացնել ինչպես տնտեսական-վերլուծական,

այնպես էլ ստեղծագործական միտքը:

«Նրանք տվյալ դասընթացի շրջանակում հնարավորություն են ունենում տարբեր կազմակերպությունների օրինակներով ներկայացնել անձնակազմի կառավարման մոտեցումները», -ասել է նա:

Ֆինանսահաշվային ամբիոնի դասախոս Արևիկ Ալեքսանյանի կարծիքով նման քննարկումները հնարավորություն են տալիս ուսանողներին դասընթացի շրջանակում ստացած գիտելիքները, հմտությունները և կարողությունները կիրառել գործնականում:

# ՏԵՂԻ Է ՌԻՆԵՑԵԼ «ԱՐՑԱԽԸ 19-ՐԴ ԴԱՐԻ ՀԱՅ ԳՐԱԿԱՆՈՒԹՅԱՆ ՄԵՋ» ԳՐՔԻ ՇՆՈՐՀԱՆԴԵՍԸ



Դեկտեմբերի 10-ին ԱրՊՀ բանասիրական ֆակուլտետի գրականության և ժուռնալիստիկայի ամբիոնի նախաձեռնությամբ տեղի է ունեցել ամբիոնի դասախոս, ր.գ.թ., դոցենտ Զինաիդա Բալայանի «Արցախը 19-րդ դարի հայ գրականության մեջ» գրքի շնորհանդեսը: Գիրքը գիտական աշխատություն է, որը հեղինակի տասնամյակների տքնաջան աշխատանքի արդյունքն է:

«Արցախը 19-րդ դարի հայ գրականության մեջ» ուսումնասիրությունը Արցախի թեման ներկայացնող եզակի և համապարփակ գրականագիտական անդրադարձ է հայ գրականության համապատկերին, որի վերլուծական առանցքներում ընդգրկված և համակողմանիորեն քննված, վերարժևորված են Արցախին վերաբերող ազգային բարձր որակ հատկանշող կոթողային չխամրող արժեքներ:

Շնորհանդեսին ներկա էին ԱրՊՀ ռեկտոր Արմեն Սարգսյանը, համալսարանի դասախոսներ, ուսանողներ, հյուրեր:

Ողջունելով ներկաներին՝ ԱրՊՀ ռեկտոր Արմեն Սարգսյանը շնորհավորել է ներկաներին՝ ԱՀ Սահմանադրության օրվա առթիվ և խորհրդանշական համարել հենց այդ օրը Արցախի հայկականությունը փաստող գիտական ուսումնասիրություն ընթերցողի դատին հանձնելը:

«Կան գրականագետ գիտնականներ, ովքեր միայն գիտությամբ են զբաղվում, և գրականագետներ, ովքեր նաև հայ գրականությունն են հանրայնացնում: Զ. Բալայանն իր աշխատանքով այս երկու առաքելությունն էլ իրականացնում է գրական խմբակների, միջոցառումների, աշխատությունների միջոցով», -ասել է ռեկտորը:

Բ.գ.դ., պրոֆեսոր Սուրբատ Խանյանը, ով նաև գրքի գրախոսականի հեղինակն է, բարձր գնահատելով հեղինակի աշխատանքը, նշել է, որ գիրքը պատասխան է Արցախի պատմությունը խեղաթյուրող կեղծարարներին:

«Զ. Բալայանի ուսումնասիրությունը հանրագիտարանային լայն ընդգրկումներ ունի:

Նա առաջինն է գրականագիտական հայեցակարգով քննարկում ու արժեքավորում այն հեղինակների երկերը, որոնցում արծարծվել է արցախյան թեման 19-րդ դարի հայ գրականության համապատկերում՝ այս տեսանկյունից հանդիսանալով առաջադրված հիմնախնդիրն առաջինը բացահայտող կոթողային գրականագիտական արժեքի հեղինակ», -նշել է Ս. Խանյանը:

Գրականության և ժուռնալիստիկայի ամբիոնի վարիչ, ր.գ.թ. Նոնա Դավթյանը, շնորհավորելով հեղինակին, հանգամանորեն ներկայացրել է գրքի կառուցվածքը, հիմնական դրույթները՝ նշելով. «Զ. Բալայանի ուսումնասիրության տեսադաշտում Արցախն է՝ գրական աղբյուրներով, պատմական անցքերով ու իրադարձություններով: Շնորհակալություն ենք հայտնում հեղինակին՝ տարիների իր տքնաջան ընթերցողի սեղանին դնելու համար»:

Գիրքը արժևորող ելույթներով հանդես են եկել նաև դասախոսներ, ուսանողներ:

Զ. Բալայանն իր ելույթում շնորհակալություն է հայտնել ներկաներին, գրքի տպագրության աշխատանքներին սատարած հովանավորներին, խմբագիր-գրախոսներին: Նրա խոսքով՝ ուսումնասիրությունը հասցեագրված է մասնավորապես 18-րդ և ամբողջությամբ 19-րդ դարի Արցախի գեղարվեստով, գրականությամբ, պատմությամբ, մշակույթով, գրականության և պատմության փիլիսոփայությամբ, արցախագիտությամբ զբաղվողներին, գրականագետներին, հայ և օտար բանասեր-պատմաբաններին, ուսանողությանը, ընթերցող լայն շրջանակներին, ինտելեկտուալ հանրությանը:

# «ՂԱՐԱԲԱՂ. ՊԱՏՄԱԿԱՆ ԴԵՊՔԵՐԻ ԺԱՄԱՆԱԿԱԳՐՈՒԹՅՈՒՆ» ԳՐՔԻ ՇՆՈՐՀԱՆԴԵՍ

**Դեկտեմբերի 24-ին Արցախի պետական համալսարանում տեղի է ունեցել երկրաբանահանքաբանական գիտությունների դոկտոր, պրոֆեսոր, ԱրՊՀ պատվավոր դոկտոր Գրիգորի Գաբրիելյանցի (Ղարաբաղցի) «Ղարաբաղ. պատմական դեպքերի ժամանակագրություն» ռուսալեզու գրքի շնորհանդեսը:**

Շնորհանդեսը մեկնարկել է հարգանքի տուրքով՝ ի հիշատակ պատերազմում հանուն հայրենիքի անմահացած նահատակների:

Գիրքը, որը նվիրված է Արցախի պատմությանը, հիմնված է պատմական իրադարձությունների և փաստերի վրա, որոնց համար աղբյուր են հանդիսացել անտիկ հեղինակների, հայ և օտար պատմիչների, հեղինակավոր հանրագիտարանների և ժամանակակից գիտնականների աշխատությունները:

Շնորհանդեսին ներկա էին ԱՀ նախագահի աշխատակազմի, հանրապետության գերատեսչությունների գործող և նախկին պատասխանատուներ, համալսարանի պրոֆեսորադասախոսական կազմից, ուսանողներից ներկայացուցիչներ, հյուրեր:

Ողջունելով ներկաներին՝ ԱրՊՀ ռեկտոր Արմեն Սարգսյանը շնորհավորել է Գրիգորի Գաբրիելյանցիին՝ գրքի հրատարակման առթիվ՝ ընդգծելով նրա ավանդը պետականաշինության, ինչպես նաև ԱրՊՀ զարգացման գործում:

«Այս աշխատությունը յուրահատուկ կառուցվածք ունի և արժեքավոր է ոչ միայն պատմությամբ, այլ նաև հարակից մի շարք գիտություններով զբաղվողների համար, և այն կարող է լինել լուրջ ուղեցույց Արցախով հետաքրքրվողների ու Արցախի պատմությունն ուսումնասիրողների համար: Մեծ է Գ. Գաբրիելյանցի ավանդը: Նա ոչ միայն պատմաբան, երկրաբան ու հասարակական գործիչ է, այլ նաև խորը գիտելիքներ ունի տարբեր բնագավառներից», -ասել է ԱրՊՀ ռեկտորը և տեղեկացրել, որ ԱՀ նախագահ Արայիկ Հարությունյանից հանձնարարական է ստացել սեղմ ժամկետներում գիրքը ռուսերենից թարգմանել հայերեն և տպագրել, որի ուղղությամբ էլ արդեն իրականացվելիք աշխատանքները նախանշվել են:



տանքները նախանշվել են:

Գիրքը արժևորող ելույթներով հանդես են եկել ԱրՊՀ գիտության և միջազգային հարաբերությունների գծով պրոռեկտոր, պ.գ.դ., պրոֆեսոր Վալերի Ավանեսյանը, պ.գ.դ., պրոֆեսոր Վահրամ Բալայանը, պատմաբան Լեռնիկ Հովհաննիսյանը, բ.գ.դ., պրոֆեսոր, գրող Սուրբատ Խանյանը:

«Գիրքը հայ ժողովրդի դիմակայելու և պայքարելու յուրահատուկ գաղափարախոսությունն է: Թյուրքական աշխարհի և Ադրբեջանի կողմից անընդհատ փորձ է արվում մեր պատմությունը կեղծելու և խեղաթյուրելու: Գ. Գաբրիելյանցի աշխատությունը հատկապես այս համատեքստում արժեքավոր է», - նշել է պատմաբան Վահրամ Բալայանը՝ ընդգծելով Գ. Գաբրիելյանցի ազգանվեր գործունեությունն ու իր ժողովրդին ծառայելու նրա գերակա սկզբունքը, որ մշտապես ծառայեցրել է ի շահ Արցախի:

Գրքի հեղինակ Գրիգորի Գաբրիելյանցը (Ղարաբաղցի), շնորհակալություն հայտնելով ներկաներին ու ելույթ ունեցողներին, նշել է, որ հաճելի է, երբ կատարած աշխատանքը գնահատվում է:

«Գիրքը, ասես, քո սեփական երեխան լինի, որին գուրգուրելով պահում, մեծացնում ես, հետո բաց թողնում աշխարհ: Այս գիրքը հիմնված է ստույգ փաստերի վրա և նպատակն էր հղում անելով պատմությանն ու երկրագիտությանը՝ արժևորել անցյալը այսօրվա համատեքստում, ասել է թե՛ գլխավոր մեթոդը արդիականությունն է, պատմական փաստերի արդիականացումը», -ասել է Գ. Գաբրիելյանցը:

# ՏԵՂԻ Է ՈՒՆԵՑԵԼ ԱՐՊՀ ԳԻՏԱԿԱՆ ԽՈՐՀՐԴԻ ՏԱՐԵՎԵՐՁՅԱՆ ՆԻՍՏԸ



**Դեկտեմբերի 21-ին տեղի է ունեցել ԱրՊՀ գիտական խորհրդի տարեկան ընթացքի ընթացում քննարկվել և հաստատվել են ուսումնական գործընթացին վերաբերող հարցեր և կանոնակարգեր:**

Օրակարգի առաջին հարցով ուսումնական գործընթացի ընթացքի մասին տեղեկատվությամբ հանդես են եկել ֆակուլտետների ղեկավարները և ուսումնական աշխատանքների գծով պրոռեկտոր Գեորգի Սահակյանը: Ըստ տեղեկատվության՝ ուսումնական պարամետրները և երկրորդ ընթացիկ ստուգումներն անցնում են բնականոն հունով, ըստ նախապես սահմանված ժամանակացույցի, արդյունավետ կառավարման շնորհիվ հաջողվել է հաղթահարել համավարակային իրավիճակով պայմանավորված խնդիրները և դասընթացները հասցնել ավարտին՝ համաձայն ուսումնական պլանի:

Օրակարգային հաջորդ հարցը վերաբերում էր 2021-2022 ուսումնական տարվա փորձուսուցման ժամանակացույցում փոփոխություն կատարելուն: Հարցը ներկայացրել է պրոռեկտոր Գ. Սահակյանը: Ռեկտորատը քննարկել և գիտխորհրդի հաստատմանն է ներկայացրել առաջին կիսամյակում ուսումնական պլանով մանկավարժական փորձուսուցման ժամկածավալում փոփոխություն կատարելու մասին հարցը և այն դարձնել երեք շաբաթ: Գիտխոր-

հուրը, քննարկելով հարցը, այն հաստատել է՝ հաշվի առնելով նաև համավարակի հետ կապված հանրակրթական դպրոցներում դասագործընթացի դադարեցման փաստը, որի պատճառով հնարավոր չի եղել տվյալ ժամանակահատվածում կազմակերպել մանկավարժական փորձուսուցումը:

ԱրՊՀ պրոֆեսորադասախոսական կազմի թափուր պաշտոնների համար հայտարարված մրցույթի մասին հարցը գիտխորհրդին է ներկայացրել գիտքարտուղար Գայանե Մարգարյանը՝ տեղեկատվություն ներկայացնելով մրցույթի ընթացքի, փաստաթղթերի հանձնման և կանոնակարգով սահմանված այլ հարցերի մասին:

Նիստի օրակարգի մյուս հարցը կանոնակարգային փոփոխությունների և նոր կարգերի հաստատման մասին էր, որը ներկայացրել է պրոռեկտոր Գ. Սահակյանը: Պրոռեկտորը նիստի քննարկմանն ու հաստատմանն է ներկայացրել երկու փաստաթուղթ, որոնցից մեկը՝ ձևաթերթ, մյուսը գնահատման թերթիկ էր: Ըստ զեկուցողի՝ փաստաթղթերից մեկը միտված է ուսանողի կուրսային, ավարտական աշխատանքի և մագիստրոսական թեզի պաշտպանության և գնահատման գործընթացն ավելի օբյեկտիվ ու արդյունավետ դարձնելուն, իսկ մյուսով կկանոնակարգվի դասախոսների դասալսման և գնահատման գործընթացը: Նշյալ փաստաթղթերը մշակվել են գիտխորհրդին կից գործող ուսումնամեթոդական հանձնաժողովի կողմից, ինչն ուղղված է ուսումնական գործընթացի արդյունավետությունը բարձրացնելուն:

Այլ հարցերում գիտխորհուրդը քննարկել է տոն օրերով պայմանավորված աշխատաժամանակի, աշխատանքների կազմակերպման, ջեռուցման տնտեսման հետ կապված և հարակից այլ հարցեր: